



W. B. Blaikie, A' Bhean Uasal Moore, A' Bhean Uasal Goodrich Freer (Cailleach Bheag nam Bòcan) agus Mgr. Ailean.
(Le cead P. J. W. Kilpatrick)

deirc. Fhuair i losgadh cuideachd, an truaghan, 's bha i greis gun a bhith gu math as a dheaghaidh. Tha 'n litir cho laghach 's cho caoimhneil 's cho fosgarra. Fhuair mi buigean(?) a' phinnt bhuaipe, 's cha robh ioghnadh ged a gheibheadh. Bha sgrìobhadh agam cho anabarrach duilich a dhianamh a mach, 's gu robh i faighinn dragh an t-saoghail 'ga dhianamh. Bha chùis dona gu leòir leis a' Bheurla, ach nuair a bheir i ionnsaigh air facal Gàidhlig sam bith a bha shìos agam a sgrìobhadh, cha robh sian a dh' fhios aice, co-dhiubh a bha i ceart no cearr. Chuir i hugam blaigh de'n phàipeir a sgrìobh i air na Lochlannaich 'sna h-Eileanan an Iar air son nan ainmnean Gàidhealach a bha air fheadh a chur air dòigh dhith.

Bha litir ann cuideachd o cheud dhotair lighiche na Siorramachd, ag iarraidh fiosrachadh mu Eirisgeidh. Tha mi cinnteach gur fheudar rann air choireigin a chur huige.

An déidh sùil a thoirt air na litreachan am Poll a' Charra is glaine do dh' uisge beatha a ghabhail ann an ceann uisge, ghabh Eoghann Cléireach 's mi fhéin sìos ri bruch cladach Smercleit. B' e sin an t-slighe nach robh tlachdmhor. Torran de bhrùig loibh is lòin bhreuna a' sruthadh a mach bhuapa is fàileadh asda a leagadh an t-each iarunn nam faigheadh e'n còir a chuinnleannan. Struthan de na staimh air càradh air gàraidhean ìseal de phluic air bàrr an Rodha, an dùthaich uile cho bàithte, 's na bha 'm bàrr dhith cho mì-thuarail. Is minig⁶ a tha caitheamh an saoghail as an àite robach. 'S ann a tha Eirisgeidh 'na àite uasal glan eireachdail seach an Ceann-a-Deas as a'

⁶ minig .i. mairg.